

98. FITXA 20.000 biztanletik beherako udalerrietan jarduera fisikoarekin lotutako orientazio-zerbitzuak ezartzeko eta mantentzeko tokiko kirol- eta komunitate-egiturak eta -espazioak egokitzera eta hobetzera bideratutako 2025eko dirulaguntza, Europar Batasunak (Next Generation EU) finantzatutako Suspertze, Eraldatze eta Erresilientzia Planaren esparruan (SEEP).

Nori zuzendua: Euskal Autonomia Erkidegoko toki-entitateak eta horiei atxikitako entitateak, baldin eta 20.000 biztanle baino gutxiago badituzte.

Sarbide-esteka: [TOKIKO KIROL ESPAZIOAK \(MRR-NEXT funtsak\): Tokiko kirol/komunitate-egiturak eta espazioak egokitu eta hobetzera bideratutako dirulaguntzak, 20.000 biztanle baino gutxiagoko udalerrietan jarduera fisikoaren orientazio-zerbitzuak ezartzeko eta mantentzeko 2025 - Eusko Jaurlaritza](#)

Erreferentziazko araudia: [AGINDUA, 2025eko otsailaren 18koa, Jaurlaritzako lehenengo lehendakariorde eta Kultura eta Hizkuntza Politikako sailburuarena, zeinaren bidez onartzen baitira 20.000 biztanletik beherako udalerrietan jarduera fisikoarekin lotutako orientazio-zerbitzuak ezartzeko eta mantentzeko tokiko kirol- eta komunitate-egiturak eta -espazioak egokitzera eta hobetzera bideratutako 2025eko dirulaguntza-deialdiaren oinarriak, Europar Batasunak \(Next Generation EU\) finantzatutako Suspertze, Eraldatze eta Erresilientzia Planaren esparruan \(SEEP\)](#)

Eremuak: Jarduera fisikoa eta kirola

Zenbatekoa: 170.761,82 €

Eskabideak aurkezteko epea: 2025/04/14

Laburpena

Agindu honen xedea da Euskal Autonomia Erkidegoko 20.000 biztanletik beherako udalerrietan **jarduera fisikoarekin lotutako orientazio-zerbitzuak ezartzeko tokiko kirol- eta komunitate-egiturak egokitzera eta hobetzera bideratutako** dirulaguntzen oinarriak ezartzea eta deialdiak egitea.

Egokitzapen eta hobekuntza horien emaitzak zehaztean kontuan hartu beharko da instalazioek trantsizio ekologikoarekin, digitalizazioarekin, berdintasunarekin, inklusioarekin, irisgarritasunarekin eta

segurtasunarekin lotutako helburuak bete beharko dituztela.

Deialdi honen ondoretarako, honi esaten zaio jarduera fisikoaren lotutako orientazio-zerbitzu: jarduera fisikorik egiten ez dutenak jarduera fisikoa egiteko behar duten aholkua, gidaritza eta laguntza jasotzea profesional baten eskutik, jarduera fisikoa maiztasunez egiteko ohitura har dezaten.

Diruz lagundu daitezkeen jarduerak

Jarduera fisikoko zerbitzuak ezartzen diren tokiko kirol- eta komunitate-egiturak eta -espazioak egokitzeko eta hobetzeko egindako jarduketak finantzatu dira.

Jarduketa horien artean egon beharko da jarduera fisikoarekin lotutako orientazio-zerbitzuak ezartzeko tokiko kirol- eta komunitate-egiturak eta -espazioak egokitzea eta hobetzea.

Zerbitzu horiek eskakizun hauek bete behar dituzte:

- Jarduera fisikoarekin lotutako orientazio-zerbitzuak **deribazioak jaso behar ditu osasun-zentrotik, Osabide Global** plataforma informatikoaren bidez.
- Euskal Autonomia Erkidegoan jarduera fisikoaren eta kirolaren arloko lanbideetan sartzeari eta jarduteari buruzko ekainaren 30eko 8/2022 Legean xedatutakoaren arabera, orientazio-zerbitzuaren ardura duten teknikariek **jarduera fisikoaren eta kirolaren zientzietan graduatuak** izan behar dute. Gainera, jarduera fisikoko orientatzaileentzat **Kirolaren Euskal Eskolak emandako prestakuntza** izan behar dute.
- Orientazio-zerbitzuek sortuta egon beharko dute deialdi hau Euskal Herriko Agintaritzaren Aldizkarian **argitaratu aurretik** (2025/03/13), eta funtzionatzen jarraitu behar dute dirulaguntzaren eskaera egiten den egunean.

Diruz lagun daitezkeen gastuak:

Hauek izango dira diruz lagundu daitezkeen gastuak:

- a) **Jarduera fisikoarekin lotutako orientazio-zerbitzuek erabilitako kirol-instalazioetan egin beharreko egokitze- eta hobekuntza-jarduketekin** zerikusia dutenak; adibidez:
 - Jarduera fisikoarekin lotutako orientazio-zerbitzuek ingurune osasungarrietan erabiltzen dituzten instalazioak eraberritzea.
 - Kirol-zentroetako irisgarritasuna hobetzeko lanak egitea; esate baterako, arrapalak edo igogailuak instalatzea.
 - Espazio publikoak egokitzea ibilbide edo zirkuitu osasungarriak sortzeko, seinaleak jartzea barne.
 - Kirol-instalazioetan argiztapen jasangarriko sistemak ezartzea (LED argiak).
- b) **Kirol-ekipamendua erostearekin** zerikusia dutenak; adibidez:
 - Jarduera fisikoarekin lotutako orientazio-zerbitzuen sareko instalazio edo espazioetarako kirol-ekipoak erostea.
 - Jarduera fisikoa egiteko kanpoko guneetarako altzari espezializatuak erostea.
 - Beste gastu batzuk, hala nola gimnasio mugikorra eta antzekoak.
- c) **Jarduera fisikoarekin lotutako orientazio-zerbitzuen sarearen hedapen-kanpainak** gauzatzearekin zerikusia dutenak:
 - Promozio-materialak garatzea, hala nola liburuxkak, kartelak eta eduki digitala, jarduera

fisikoarekin lotutako orientazio-zerbitzuen sarearen programetako parte-hartzea areagotzeko.

- Marketin digitaleko zerbitzuak kontratatzea, jarduera fisikoarekin lotutako orientazio-zerbitzuen sarearen eta bere programen berri emateko.
- Ekitaldi publikoak antolatzea, ingurune osasungarrietan jarduera fisikoa egiteak dakartzan onuren berri emateko.

d) Jarduera fisikoarekin lotutako orientazio-zerbitzuen sarearentzako **plataforma digitalak** gauzatzearekin zerikusia dutenak:

- Mugikorrerako aplikazioak edo web plataformak sortzea, jarduera fisikoarekin lotutako orientazio-zerbitzuen sarearen programetan errazago izena emateko eta programa horien jarraipena egiteko, baita sarearekin lotura duten beste programa batzuen ere.
- Tokiko kirol-instalazioak edo komunitate-espazioak kudeatzeko sistemak ezartzea, baliabideen erabilera eta parte-hartzea hobetzeko.

Gastuetarako aldi hautagarria

2020/02/01etik 2025/03/13ra arte egindako jarduketak.